

antennis pedibusque pallidissime flaventibus, illis articulo primo sublineari, pronoto parum longiore, obsolete albidospurcato, setis rigidis albis crassitie articuli fere longioribus; femoribus posticis apicem versus dense cinereo-conspurcatis, tibiis omnibus albidis solum ipso apice obscuriore, albo-pubescentibus, solum inferne apicem versus spinulis nonnullis testaceis sat brevibus armatis, superne pilis tenuibus albis sub angulo acuto exsertis, his pilis tibiarum posticarum crassitie tibiae longioribus, tarsis dilute flaventibus; vertice maris oculo circiter dimidio latiore; segmento maris genitali ad marginem sinistrum aperturæ mutico. Long. ♂ $5\frac{3}{4}$ mm.

Graecia (Lesbos! d. 23 maji), D. J. Sahlberg.

Ph. vittigero Reut. signaturis sat similis, differt autem corpore paullo minore, opaculo, pilis nigris toto destituto, setis articuli primi antennarum paullo longioribus, pronoto magis transverso, venis membranae totis pallidis et praecipue tibiis pilis albis exsertis instructis, brevius et parcius testaceo-spinulosis. Caput (♂) basi pronoti circiter $\frac{2}{5}$ angustius, a supero visum pronoto longitudine subaequale, latitudini cum oculis aequae longum, a latere visum altitudine basali paullo longius, vertice oculo fere $1\frac{2}{3}$ latiore, fronte levissime nutante, solum ipso apice fortius declivi, clypeo usque a basi fortiter prominente, angulo faciali subrecto. Oculi a supero visi oblongi. Rostrum medium ventris attingens. Antennae articulo secundo primo circiter duplo et margine basali pronoti saltem $\frac{2}{5}$ longiore, tertio secundo fere $\frac{2}{5}$ brevior, quarto tertio brevior et primo aequae longo. Pronotum latitudine basali circiter $\frac{2}{5}$ brevius, lateribus subsinuatis, disco obsolete albo-vittato. Hemielytra (♂) abdomen sat longe superantia.

3. *Phytocoris albipennis* Reut.

Omnium pallidissime vitellino-albus, abdomine virescente; superne pilis brevibus albis nitidis intricato-pubescentibus, pilis nigris totus destitutus; hemielytris feminae abbreviatis, segmentum sextum abdominale attingentibus, albis, nitidis, maculis minutis opacis dilutissime subvitellinis parce variegatis, clavo apicem versus corioque apice interne densius dilutis-